



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

Mandatvm Marchionis Mantvae.

urn:nbn:de:hbz:466:1-15644

292 LEO C. LATERANEN. V. MAXIMILIANVS I.
P. X. IMP.

MANDATVM MARCHIONIS MANTVÆ.

*Franciscus marchio Mantuæ, &c. sanctæ Romanæ
ecclesiæ confalonarius.*

Sicuti contingit nobis diuino beneficio ecclesiarum sanctarum Dei sacri corporis esse membrum haud ignobile, sic nobis conuenire intelligimus, præfatae ecclesiae semper inharrere, pro ea & cum ea extrema quæque pati, & more boni militis gloriosum ipsius vexillum nusquam deserere. Cum igitur alias sacrum Lateranense Concilium indixerit sanctæ memoriam Iulius papa II. dignitatis ecclesiasticæ studiosissimus, & in primis a nobis semper adorandus. Is namque ut erat pientissimus, e tenebris & umbra mortis gratuita redemptione nobis eruptus, salutem & dulcissimam libertatem restituit: propter quod immortale meritum, opinamur Deum optimum maximum, precibus nostris exauditis, retribuisse copiosam sibi in cælis mercedem. Quod quidem consilium beatissimus dominus Leo papa decimus, nuper diuinitus ad apostolatus apicem euectus, (quod nobis faustum felixque futurum re ipsa perspeximus) cum maxima populi Christiani frequentia profequitur, licet superioribus diebus speciales oratores, illustrem dominum Aloysium Gonzagam marchionem, & etiam consanguineum nostrum carissimum, & dominum Franciscum Bonatum iuris vtriusque doctorem, cuiem nostrum dilectissimum ad eius beatitudinem venerandam adorandumque miserimus, ut in his etiam quæ in posterum occurrere possunt, pro virili nostra integerrime facere satis valeamus, specialem nuntium, procuratorem, & in omnibus & singulis, in amplissima & validissima forma, vices nostras omnimas gerentem, facere persuademur. Harum propterea serie omni meliori modo eligimus, constituimus, creamus & deputamus nostrum verum, certum, legitimum & indubitatum procuratorem & nuntium specialem & generalem, ita quod specialitas generalitati non deroget, nec contra; & omnimas vices nostras gerentem, reuerendum in Christo archidiaconum Mantuanum dominum Alexandrum Gablonetam iuris vtriusque doctorem & oratorem nostrum carissimum. Cuius fidem & nobis inferuendi voluntatem multis an-

ANNO CHRISTI 1533. nis probauimus & cognouimus, ad quantum in nobis est, sacrum Lateranense Concilium, per felicis memoriae sanctissimum Iulium papam recte & rite diuinitus indictum & conuocatum, in omnibus & per omnia, prout & quemadmodum eius beatitudo statuit & ordinavit, laudandum, confirmandum & venerandum, atque debitiss temporibus in omnibus actis processibusque eiusdem sacri Lateranensis Concilii comparendum, in ipsoque debitam audientiam prefato sanctissimo domino nostro Leoni, toties, quoties fuerit opportunum, praestandum, & eumdem dominum nostrum verum, vnicum, canonicum & indubitatum pontificem dominici gregis pastorem esse, quem, et si mori oportuerit, nunquam negabimus, confitendum, recensendum & recognoscendum, in ipsoque sacro Lateranensi Concilio dicendum, proponendum, tractandum, firmandum, reuocandum, damnandum, laudandum vouendumque, & nostro nomine omnia & quaecumque celebrationi, continuationi & conclusioni dicti sacri Lateranensis Concilii, & quae in eodem proponentur, tractabuntur, decidentur, vniōne & indiuiduitati dictæ sanctæ Romanæ ecclesiæ matris nostræ & membrorum, nec non morum vniuersali reformationi, fideique augmento necessaria, seu etiam opportuna, & siue quibus ea commode fieri seu perfici nequirent, etiam si speciale, singulare & indiuiduum mandatum exigerent, & maiora essent expressa. Ita quod ea omnia quæ nosipsi, si praesentes essemus, omni validiori modo facere possemus, cum omnibus clausulis, iuramentis & obligationibus necessariis, & quibus efficacius fieri potest, valeat & ipse validissime celebrare & nostro nomine perficere, & ad consilium sapientis non solum praesens nostrum mandatum extendere, sed in omnibus & singulis occurrentibus, maioribus etiam expressis, addere, & cum clausulis & obligationibus, prout expedierit, confirmare: quoniam super predictis omnibus & singulis, cum annexis, dependentibus, emergentibus, incidentibus & connessis, omni meliori modo & forma, quibus de iure efficacius fieri potest, prefato reuerendo domino Alexandro plenarie vices nostras committimus, damus & conferimus, promittentes ratum, gratum, validum atque fir-

Oo ij

mum, omni in loco & tempore perpetuo habere, quid-
quid in prædictis & circa prædicta, & quodlibet eorum,
per præfatum dominum archidiaconum dictum, actum,
procuratum gestumve fuerit, & in nullo vñquam contra
facere vel venire aliqua ratione vel causa. Renuntiantes
omnibus exceptionibus tam iuris quam facti, & omnia
& singula bona nostra tam præsentia quam futura, cum
præmissorum omnium & singulorum obseruantia obligan-
tes.

Datum Mantuæ die duodecima Iunii, millesimo quin-
gentesimo decimotertio.

Franciscus marchio Mantuæ
manu propria.

Statius Gadius secretarius mandato suo subscriptis.

Quo finito, reuerendus Laurentius de Medizeldri, o-
rator illustrissimorum dominorum Stanislai & Ioannis
ducum Mazouiae, dedit mandatum: & idem Phædra legit
illud tenoris infra scripti, videlicet:

MANDATVM DVCVM MAZOVIAE.

Stanislauſ & Joanneſ Dei gratia duceſ Mazouiae,
Ruffaue, &c.

Significamus per præsentes nostras literas vniuersis
quibus expedit, quia venerabilem dominum Laurentium
de Medizeldri cathedralis Vilnensis præpositum, & pa-
rochialis in Vitestro archipresbyterum, ecclesiarum, se-
cretarium regium, oratorem, nuntium & procuratorem
specialem, ad sacrum generale Concilium Lateranense,
per modernum sanctissimum dominum nostrum Iulium
diuina prouidentia papam secundum, cum sacro reue-
rendissimorum dominorum cardinalium collegio institu-
tum, & ad Kalendas Nouembbris translatum, de mente no-
stra bene & plene informatum, iussis eiusdem sanctissimi
domini nostri morem gerentes, deputauimus, designa-
uimus, misimus & constituimus, deputamusque, designa-
mus, mittimus & constituimus, dantes & concedentes
eidem plenam & omnimodam facultatem nomine nostro
in eodem Concilio super statu religionis Christianæ, ac
sanctæ Romanæ vniuersalisque ecclesia rebus, etiam du-
catus nostri, consulendi, agendi, differendi & conclu-